

Perkhemahan Perdana UNICAMP SMK PANTAI 2025: Mendidik, Menguji, Menginspirasi



LABUAN, 28 September 2025 – Pusat Kokurikulum Negeri Wilayah Persekutuan Labuan sekali lagi menjadi saksi kepada semangat juang dan kerjasama luar biasa apabila lebih kurang 180 pelajar dari sembilan unit beruniform menyertai **Perkhemahan Perdana UNICAMP Peringkat SMK Pantai Tahun 2025** yang berlangsung selama tiga hari, bermula 26 hingga 28 September.

Disertai oleh pelajar dari **Kadet Remaja Sekolah (KRS), Kadet Polis, Kadet Bomba, Pengakap, Pandu Puteri, Puteri Islam, Kadet Siswa Pertahanan Awam (KASPA), Persatuan Bulan Sabit Merah (PBSM), dan Kadet JPJ**, program ini bertujuan memperkukuh ilmu dan kemahiran yang telah dipelajari di sekolah melalui pendekatan praktikal dan berasaskan pengalaman.

“Aktiviti perkhemahan ini bukan sekadar menguji fizikal dan mental, tetapi juga mendidik pelajar untuk menjadi insan yang berguna kepada diri, masyarakat dan negara,”

ujar Kem Komandan, Cikgu Muhammad Shaiful Aidil.

□ **Pengisian Program yang Padat dan Bermakna**

Antara aktiviti utama yang dijalankan termasuk:

- **Pertandingan Gajet dan Bantu Mula** – menguji kreativiti dan kemahiran pertolongan cemas pelajar.
- **Senam Pagi dan Kawad Protokol** – membentuk disiplin dan semangat patriotik.
- **Latihan Agensi Luar:**
 - Bantuan kecemasan oleh JPAM
 - Ikatan dan gajet oleh Persatuan Pengakap Labuan
 - Demonstrasi kebakaran oleh Jabatan Bomba
- **Pertandingan Malam Kebudayaan** – persembahan bertemakan klasik yang memukau.
- **Aktiviti Rentas Halangan** – menguji ketahanan fizikal dan semangat berpasukan.
- **Aktiviti Burung Hantu** – pengalaman malam yang mencabar dan menyeronokkan.

Pelajar turut memasang khemah sendiri selepas menerima taklimat keselamatan daripada jurulatih Pusat Kokurikulum, satu pengalaman yang menguji kemahiran asas perkhemahan dan kerjasama kumpulan.

□ **Penutupan yang Bermakna**

Majlis Penutupan Kem Perdana dimulakan tepat jam 11 pagi hari Ahad, disempurnakan oleh Pengetua SMK Pantai, En. Ismail bin Abdullah. Tayangan montaj, penyampaian hadiah dan sesi bergambar menjadi penutup kepada program yang penuh kenangan.

“Saya seronok sangat! Aktiviti Burung Hantu paling mencabar tapi paling best,” kata salah seorang peserta dengan senyuman puas.

▣ Pengalaman yang Tidak Akan Dilupakan

UNICAMP 2025 bukan sekadar perkhemahan biasa. Ia adalah medan latihan sahsiah, kepimpinan dan semangat kenegaraan yang akan terus terpahat dalam ingatan setiap peserta. Dengan pengisian yang menyeluruh dan sokongan padu daripada guru serta agensi luar, program ini berjaya mencapai objektifnya – membentuk pelajar yang berdaya tahan, berdisiplin dan bersedia menyumbang kepada masyarakat.

Sumber Berita : SMK Pantai WP Labuan



























PERTANDINGAN GENTA SUARA SSM PERINGKAT LABUAN : CUNGKIL BAKAT SENI SUARA PELAJAR



Labuan, 26 September 2025 – Pencarian wakil Labuan ke pertandingan Genta Suara Sekolah-Sekolah Malaysia Peringkat Kebangsaan berjaya dianjurkan baru-baru ini bertempat di Studio RTM Labuan.

Seramai 25 peserta bertanding bagi empat kategori iaitu solo dan duo yang melibatkan penyertaan sekolah rendah dan menengah di sekitar Labuan.

Kategori solo, Johan milik Pelajar Sekolah Kebangsaan (SK) Bukit Kalam, Mohamad Furqan Sabri dan pelajar Sekolah Menengah Kebangsaan (SMK) Labuan Nur Qiesha Kaisarah Mohd Saiful.

Manakala Kategori duo milik pasangan SK Lubuk Temiang Muhammad Farish Feerid dan Nor Shahhira Sari dan gandingan Nur Qiesha dan Ellicia Wong dari SMK Labuan.

Kesemua mereka akan ke berentap di PICC Putrajaya yang dijadual berlangsung pada 14 Oktober ini.

Jelas penganjur, Jabatan Pendidikan Labuan, program berjaya menghimpunkan bakat-bakat muda dalam bidang seni suara. Ia platform melahirkan generasi pelajar yang berkeyakinan, kreatif, berbakat serta mampu mengharumkan nama Labuan dalam bidang kesenian.

Penganjuran juga seiring dengan aspirasi Generasi MADANI, membentuk pelajar cemerlang dalam akademik dan menyerlah dalam sahsiah, kepimpinan, serta penglibatan aktif dalam bidang kokurikulum dan kesenian.

Program dikelola oleh SMK Pantai dengan kerjasama Jabatan Penyiaran Malaysia Labuan (LABUANfm).

[#beslabuan](#)

[#beritalabuan](#)

Sumber Berita : FB BES Labuan











Dialog Prestasi STPM
Tekankan Kecemerlangan
Akademik Tingkatan Enam
SMKL



Labuan, 29 September 2025 – Dialog Prestasi Sijil Tinggi Persekolahan Malaysia (STPM) telah diadakan di Bilik Mesyuarat Juara SMK Labuan dengan menekankan usaha mengekalkan pencapaian kelulusan 100 peratus serta Gred Purata Sekolah (GPS) 3.0.

Dialog berfokus ini dihadiri Pengarah Pendidikan Wilayah Persekutuan Labuan, Timbalan Pengarah, pegawai Jabatan Pendidikan, pengetua sekolah serta guru tingkatan enam.

Pengarah Pendidikan dalam ucapannya menegaskan komitmen semua pihak amat penting bagi mengekalkan prestasi cemerlang serta memperkuat strategi intervensi, pedagogi berkesan dan pemantauan rapi terhadap pelajar.

Dialog ini turut menyaksikan kesepakatan bersama untuk memperkuat budaya kecemerlangan akademik dalam kalangan pelajar tingkatan enam.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)



**Kunjungan Hormat Daripada
Rombongan Majlis
Keselamatan Negara (MKN)
Labuan**



Labuan, 29 September 2025 – Jabatan Pendidikan Wilayah Persekutuan Labuan hari ini menerima kunjungan hormat daripada rombongan Majlis Keselamatan Negara (MKN) Labuan yang diketuai oleh En. Mohd Hafiez Mohd Daud, Pengarah MKN Labuan.

Kunjungan ini memberi ruang untuk membincangkan isu-isu semasa berkaitan pendidikan. Pertemuan tersebut turut menekankan kepentingan kerjasama strategik antara agensi keselamatan dan sektor pendidikan.

Rombongan disambut oleh En. Yahya Ahmad Puteh, Pengarah Jabatan Pendidikan Wilayah Persekutuan Labuan. Turut hadir sama ialah Tuan Haji Sawal Hj Salleh, Timbalan Pengarah Pendidikan Sektor Pengurusan Sekolah, En. Awang Marten Datuk Hj Abdul Rahman, Timbalan Pengarah Pendidikan Sektor Pembangunan Murid, serta penolong-penolong pengarah jabatan tersebut.

Pihak Jabatan Pendidikan Labuan turut merakamkan penghargaan atas kerjasama erat ini, yang diyakini mampu memberi manfaat kepada warga pendidik, pelajar serta masyarakat setempat

[#jpwpl](#)

[#7TerasKPM](#)
[#MalaysiaMADANI](#)
[#PendidikanManusiawi](#)
[#TaataSetia](#)



Mesyuarat Pengurusan DTP Bilangan 2 Tahun 2025 JPWP Labuan



Labuan, 29 September 2025 – Mesyuarat Pengurusan Program Transformasi Sekolah (DTP) Bilangan 2 telah berlangsung di Bilik Rafflesia, Ujana Kewangan. Mesyuarat dipengerusikan oleh En. Yahya bin Ahmad Puteh, Pengarah Pendidikan JPWP Labuan dengan kehadiran pengarah Kolej Vokasional Labuan, pengetua, pegawai sektor, dan unit berkaitan.

Mesyuarat memberi tumpuan kepada pelaporan kewangan, portal DTP Care, iPLaS dan dapatan serta tindakan berkaitan empat kluster utama dalam Dialog Prestasi Nasional.

Mesyuarat telah menghasilkan beberapa pelan tindakan yang akan dilaksanakan sepanjang baki tahun 2025 bagi memperkukuh pencapaian pendidikan di WP Labuan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)







Kunjungan Santai Jabatan Pendidikan Labuan kepada Pengerusi Perbadanan Labuan



Labuan, 27 September 2025 – Satu perjumpaan telah diadakan bersama Pengerusi Perbadanan Labuan, Dato' Mohd Husni Mohamad Salleh. Turut hadir, Ketua Pegawai Eksekutif Perbadanan Labuan, Mohd Sukuran bin Taib.

Rombongan dari Jabatan Pendidikan Wilayah Persekutuan Labuan diketuai oleh En.Yahya Ahmad Puteh, Pengarah Jabatan Pendidikan Labuan. Rombongan tersebut turut disertai Timbalan Pengarah Sektor Pengurusan Sekolah, Ketua-Ketua Penolong Pengarah serta pegawai dari Sektor Perancangan dan Sektor Infrastruktur dan Perolehan.

Pelbagai isu dan cadangan telah dibincangkan, khususnya yang berkaitan dengan usaha memperkukuh pembangunan pendidikan di Labuan. Matlamat utama perjumpaan ini adalah memastikan setiap perancangan yang dilaksanakan memberi impak besar dan manfaat langsung kepada murid-murid Labuan.

Objektif Perjumpaan:

1. Membincangkan keperluan infrastruktur serta perancangan pendidikan di Labuan.

2. Memastikan inisiatif yang dirancang memberi impak positif kepada murid-murid.
3. Memperkukuh usaha pembangunan pendidikan demi masa depan generasi Labuan.

[#jpnwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaataSetia](#)





PECUTAN GEN MADANI LITERASI KHATAM AL-QURAN PERKUKUH BACAAN MURID TAHUN 6 LABUAN



LABUAN, 27 September 2025 – Program Pecutan Gen Madani Literasi Khatam al-Quran Peringkat Jabatan Pendidikan Wilayah Persekutuan Labuan berjaya dilaksanakan di Masjid Jamek An Nur dengan penyertaan seramai 150 orang murid Tahun 6.

Program ini bertujuan memperkukuh penguasaan bacaan al-Quran dalam kalangan murid khususnya dari aspek bacaan dan sebutan yang betul, sekali gus memastikan mereka berjaya khatam al-Quran sebelum melangkah ke sekolah menengah.

Seramai 25 orang fasilitator yang terdiri daripada guru Pendidikan Islam sekolah rendah di seluruh Wilayah Persekutuan Labuan telah membimbing peserta sepanjang program berlangsung dengan pengelolaan utama oleh SK Patau-Patau.

Menurut urus setia program, Ustazah Sanisah Zulkifle, pelaksanaan program ini diharap dapat memberi impak positif dalam membudayakan al-Quran di sekolah serta menyokong usaha melahirkan Generasi Madani yang celik al-Quran.

Objektif utama program ini adalah:

1. Meningkatkan kadar khatam al-Quran – sekurang-kurangnya 50% murid Tahun 6 di wilayah ini berjaya khatam sebelum tamat persekolahan rendah.
2. Memperbaiki bacaan al-Quran – membantu murid menyempurnakan bacaan dengan tajwid dan sebutan yang betul.
3. Melahirkan generasi celik al-Quran – menyokong matlamat Kementerian Pendidikan Malaysia (KPM) dalam membentuk generasi yang mahir membaca al-Quran serta berakhlak mulia.

Menariknya, konsep “Pecutan” dalam program ini merujuk kepada usaha mempercepatkan pencapaian khatam al-Quran melalui sesi bimbingan intensif. Murid yang berada pada juzuk pertengahan hingga akhir (Juzuk 10 ke atas atau dalam julat Juzuk 16–25) diberikan tumpuan khusus untuk menghabiskan bacaan mereka dalam tempoh masa program ini berlangsung.

Secara keseluruhan, program ini bukan sahaja memberi peluang kepada murid meningkatkan mutu bacaan, malah diyakini mampu melahirkan Generasi Madani yang berilmu, beriman dan berakhlak tinggi, selaras dengan aspirasi pendidikan negara.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)













Mesyuarat Perancangan & Pembangunan Pendidikan WP Labuan Tahun 2025



Labuan, 26 September 2025 – Sesi Libat Urus (SLU) dan Mesyuarat Jawatankuasa Perancangan dan Pembangunan Infrastruktur Pendidikan (JPPIB) Bilangan 2/2025 telah dilaksanakan pada 26 September 2025 (Jumaat).

Mesyuarat tersebut telah berlangsung dari jam 2.30 petang hingga 5.00 petang di Bilik Mesyuarat Botanikal, Jabatan Pendidikan WP Labuan, dengan dipengerusikan oleh Pengarah Pendidikan WP Labuan dengan kehadiran pegawai kanan jabatan, para pengetua dan guru besar serta guru pembangunan sekolah.

Antara agenda utama yang akan dibincangkan termasuk laporan status projek pembangunan dan penyelenggaraan semasa, cadangan projek pembangunan baharu, serta isu dan cabaran berkaitan pembangunan infrastruktur pendidikan di wilayah ini.

Jabatan Pendidikan WP Labuan berharap mesyuarat tersebut dapat memperkukuh perancangan strategik pembangunan pendidikan, selain memastikan projek-projek yang dirancang dapat dilaksanakan dengan berkesan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)





Pertandingan Bicara Tokoh Peringkat Negeri W.P. Labuan 2025



Labuan, 24 September 2025 – Tahniah dan syabas diucapkan kepada semua peserta daripada kategori sekolah rendah dan sekolah menengah yang telah menunjukkan keberanian, kebijaksanaan serta semangat juang tinggi sepanjang pertandingan.

Pihak Muzium Labuan merakamkan setinggi-tinggi penghargaan kepada semua pihak yang terlibat – Jabatan Pendidikan W.P. Labuan, guru-guru pembimbing, ibu bapa serta para peserta yang telah menjayakan program ini.

Semoga program sebegini dapat terus melahirkan generasi

muda yang berilmu, berwawasan dan berkeyakinan tinggi demi masa depan negara.

Penafian: Muzium Labuan tidak bertanggungjawab terhadap sebarang lontaran pandangan dan pendapat. Raikan perbezaan dan kita sokong antara satu sama lain.

“Bersama kita membina tamadun, bersatu kita menuju kecemerlangan!” 

[#kementerianperpaduannegara](#)

[#jabatanmuziummalaysia](#)

[#MuziumKitaTamadunKita](#)

[#perpaduandalamkepelbagaian](#)

[#MalaysiaMadani](#)

Sumber Berita : FB Muzium Labuan





















Sesi Precouncil Dialog Prestasi Nasional Bilangan 2/2025 Jabatan Pendidikan Labuan



Labuan, 19 September 2025 – Jabatan Pendidikan Labuan telah mengadakan Sesi Precouncil Dialog Prestasi Nasional Bilangan 2 yang melibatkan pelbagai sektor utama, antaranya Sektor Perancangan, Sektor Pembelajaran, Sektor Pengurusan Sekolah, Sektor Pembangunan Murid dan Sektor Sumber Manusia.

Objektif utama sesi ini adalah untuk:

- ✅ Menyelesaikan isu-isu pendidikan yang berbangkit

- ✓ Menyediakan intervensi yang bersesuaian bagi menangani cabaran
- ✓ Merangka Way Forward ke arah penyelesaian yang lebih berkesan

Melalui sesi dialog ini, setiap sektor diberi ruang untuk mengemukakan pandangan serta cadangan intervensi, dengan hasrat memperkukuh keberkesanan sistem pendidikan di Wilayah Persekutuan Labuan.

[#jpwpl](#)
[#7TerasKPM](#)
[#MalaysiaMADANI](#)
[#PendidikanManusiawi](#)
[#TaatSetia](#)



